



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Diatribai De Primis Veteris Frisiae Apostolis, Sive
Dissertationes, quibus eoru[m] anni, actus, res,
personae, loca, tempora in eorundem actis occurrentia,
discutiuntur, illustrantur, erroresque ab ...**

Bosschaerts, Willibrord

Mechliniae, 1650

60. De caelica admonitione Sergio in somnis factâ & Angelico ministerio.

urn:nbn:de:hbz:466:1-10958

dona populo exhibuisset domum abire, &c. Vide etiã Cælium, lib. 12. cap. 16. Tantumdem Pontifici Christi Vicario, Regibus æquiparando, imo Regum Patri deferri voluit Pipinus. Superatis niuosarum Alpium asperitatibus, Romana mœnia secundò intrat Apostolicus Heros, prius de eius instanti aduentu Sergio cælitus certiore factò. *Die quarta (ait Alcuinus) priusquam illo veniret (Willibrordus) Beatissimus Apostolicus (Sergius) Angelica in somnis responsione admonitus est ut illum cum summo honore susciperet, & quod multarum animarum esset illuminator futurus, à Deo qua electus, & ad hoc venisset ut summi ab eo Sacerdotij honorem susciperet, nihilq; eò negandum esse quidquid petisset.*

Ut hæc fusiùs explicentur, quandoquidem ad acta Sancti Willibrordi pertineant, sit,

DISSERTATIO LX.

De cælica admonitione Sergio in somnis factâ,
& Angelico ministerio.

PRO horum intelligentia obseruandum 1. Somnia esse triplicis generis: Naturalia, Diabolica, Diuina. Naturalia, quæ oriuntur ex causa naturali intrinseca vel extrinseca. Diabolica, quæ mali Spiritus infidiosè dormientibus immittunt vel ad turbationes animi creandas, vt libidinem, iram odium, desperationem: vel ad occultorum aut futurorum significationem. Diuina sunt, quæ à Deo nobis suggeruntur, siue immediatè, siue mediatè per Angelos bonos. Sergij diuinum fuisse idque mediante Angelo, verba textus & euentus docent.

Dices 1, quomodo Sergius cognouit esse diuinum?
quomodo

quomodo potuit procedere ex somnio cum Scriptura dicat, *Somnia non obseruabitis & ne dederis in illis cor tuum, multos enim errare fecerunt somnia, &c.* Respondetur ex eadem Scriptura Eccles. 34. *Nisi ab altissimo fuerit visitatio, ne dederis illis cor tuum, &c.* Ab altissimo illam visitationem (Somnium) fuisse, probe cognouit Sergius, vir coelestis Spiritus, discretionis spiritu plenus: & solet Deus quando somnium immittit, simul hominem certum reddere hoc somnium à se profectum & supernè immissum fuisse.

Dices 2. quid opus fuit mandato diuino pro Willibrordo ordinando? Iam à quinquennio ab eodem Sergio erat institutus Frisæ Apostolus cum plena potestate: notissima erant eius pietas, industria, merita: commendationes Pipini vel solæ sufficiebant; plures sine talibus præuijs administraculis à Pontificibus ordinabantur. Quid ergo opus mandato Diuino? Respondetur, potuisse illa sufficere, tamen placuisse Deo præmittere admonitionem, vt iam non solum ab hominibus electus, sed & à Deo dignus iudicatus, à Deo electus crederetur, & hoc maiorem Authoritatem eius prædicationi, maiorem famam venerationemque ipsi conciliabat. Denique ne eis felicibus conatibus obliterent, prosperumque cursum impedirent, qui obliquis oculis aspiciebant Ultraiecto Frisæque imponi Episcopum, maximè ipsis non subiectum, quod post mortem S. Willibrordi ostenderunt Colonienfes.

Obseruandum 2. Varia Angelorum homini gubernando, esse ministeria. *Nonne omnes* inquit *Apostolus, sunt administratorij spiritus in ministerium missi propter eos qui hereditatem capient salutis?* quasi dicat, sunt omnino: interrogacione enim vtuntur Hebraei quando rem ma-

gis stabilire & asseuerate volunt. Inter frequentissima obsequia sunt Ecclesiæ gubernatores à Deo destinatos publicare. Exempla in gestis Sanctorum sunt obuia. Vnum in S. Huberto, quantumuis prolixius, non possum non producere, tum quod eodem anno 696. acciderit secundum supputationem Ioannis Roberti; quamquam non nostram: tum quod ille S. Willibrordo fuerit semper familiarissimus. Verbotenus accipe hoc ex vita eiusdem Sancti per dictum Roberti ex antiquis monumentis vulgata: *Quo (Huberto) Roma consistente, cum venerabilis Pontifex Sergius post matutinarum officia fatigatus somno se dedisset, circa ipsius diei obdormiebat auroram, quâ Sacerdos Christi Lambertus propter veritatis testimonium, per manum scelerati Dodonis, consecutus est martyrium. Et ecce Angelus Domini in visione ei assistens ait: Attende diligenter & fidem verbis meis adhibe. Lambertus Tungrorum Episcopus hac hora intra Sanctuarium Domini ab impijs est pro pietate immolatus. Propterea cum Sanctus in celestibus meruit coronari. En, eius pastorale baculum, à loco passionis tibi subito allatum, suscipe. Et in hoc substitues ad regimen Tungrensis Ecclesiæ discipulum eius Hubertum nomine, quem ad Apostolorum limina deuotè venientem inuenies hodie. Statimq; Pontifex euigilans, cum de visione adhuc hasitaret, iuxta se sicuti ab Angelo susceperat, B. Martyris baculum Pastoralem inuenit. Facta itaq; oratione & immolata hostia ad exequendum visionis præceptum circa limina Apostolorum studiosus perscrutator consedit. & forte vir Domini Hubertus in proximo Urbis vico mansionem acceperat peregrinus, qui statim deuotè ad diu desideratam B. Petri Apostoli accessit Ecclesiam. Quem ut Pontifex Sergius vidit, sciscitatus est quis sit & quo nomine appellaretur. Cui Beatus Hubertus respondit: ego quidem Hubertus vocor vestra Sanctitatis famulus, statimq; Pontifex Sergius eum gratanter manibus recipiens, adduxit ipsum iuxta abitare Principis Apostolorum eidem reuelans mortem dilecti Magi*

stri sui Lamberti quemadmodum ab Angelo didicerat: cumq; eum Pontifex instanter moneret de susceptione regiminis Ecclesia Tun-
grensis, & B. Hubertus nullo modo consentiret, sed indignum se affirmaret, ecce omnibus diuinitus Pontificalibus B. Lamberti in-
duitur, quæ subito à loco Martyrij ab Angelis translata sunt ei. Cumq; istis induto sola stola defuisset, statim stola serica alba auro-
que contexta Huberto per Angelum à B. Virgine Maria Ecclesia Tun-
grensis patrona est transmissa.

Attendere hic est diuinam dignationem, quâ Sanctos suos vocationis & electionis suæ publicatione dignatur. Attendere est Sanctorum honorem quo à Diuina maie-
state sublimantur: inspicere est curiosa, sedula Angelorum diuinam dispensationem exequentia obsequia. Hos cælestes nuntios ex supremis ordinibus fuisse, non impro-
babiliter dixero, quandoquidem ijs committantur supre-
marum rerum gubernatio, illuminatio, Ecclesiæ custodia, ad quam non infimè spectat, rectores Ecclesijs destina-
tos manifestare, ijs assistere, ministrare. Sic vnus de Se-
raphim, qui supremus est ordo, missus ad Isaiam: Cheru-
bim, qui secundi ordinis est ad custodiendum paradisi-
sum. Danielis 10. missus est Michael, quem multi do-
cent esse primum Angelorum & custodem Ecclesiæ vti
olim fuit Synagogæ. Multi etiam censent eum qui dedit
legem Hebræis fuisse ex ordine Seraphim.

DISSER-